

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 337. An, qui & qualiter edere possint decretum generale, ut res
furtivæ dominis restituantur.

[urn:nbn:de:hbz:466:1-73982](#)

abigeatores, abactores, subtraactores pecorum, dicuntur Christin. Vol. 4. decis. 203. num. 3. quales non sunt, sed portiū simplices fures, qui ovem aberant, vel equum in solitudine relictum abduxerint. L. 1. §. 1. ff. de abigeis. Lauterb. l.c. §. 11. Pirk. n. 40. nisi sapienter etiam unum solum, vel alterum pecus. L. fin. §. pen. ff. de abigeis. Pirk. l.c. Lauterb. §. 3. quamvis alias juxta extum expressum cit. hujus L. abigei non sint, qui de grege ovium minus quam decem, & de grege porcotum minus quam quinque abduxerunt. Tales item non sunt, qui animalia, quae non veniunt nomine pecorum, ut sunt anseres, anates, gallinae, columbae, canes, aliaque animalia domestica, circuata furantur. Gilhaus. arb. crim. c. 2. tit. 30. in fine. Lauterb. l.c. unde jam abigeatus describi potest, quod sit abactio pecorum alienorum fraudulenta, facta lucri gratia. Harprech. diss. de crim. abig. th. 25. & seq.

2. Resp. Secundò: Cum hoc crimen maius sit simplice furto & abigei improbores fures, dum plerumque etiam ferro vel gladio utuntur, ac ita, cum vi abigunt, gravius puniuntur. cit. L. 1. §. 3. Et quidem abigeatus, quo abiguntur pecora est tabulis, acris & plenis puniti debet, quia sit cum effractione stabuli, quam quo ex grege, sylva, passus abducuntur. L. 1. ff. de effractionib. Harprech. §. pena. Inst. de oblig. que ex delict. n. 108. & 109. Pirk. cit. num. 40. & qui frequentius hoc crimen committunt, ad gladium damnantur; cum frequenter soleat augere penam, eamque mutare in capitale. cit. L. 1. & ibi Brunnem. n. 1. & L. 2. ff. de abigeis. Idque præfertim in rebus humilioribus fortunæ, dum honestioribus irrogatur non pena gladii, sed relegationis aut remotionis ab ordine. Lauterb. §. 4. Pirk. l.c. alias pro varietate circumstan- tiarum, delicti & personæ pena est arbitria, puta metalli, damnationis ad opus publicum, aut etiam ad bestias, dum abigeatus commissus vi & cum effractione; receptores vero abigeorum, si socii criminis non sunt, puniuntur decennali relegatione. L. 3. §. fin. ff. de abig. Lauterb. l.c. quamvis ho- diernis moribus in pluribus locis pena hujus criminis eadem sit, quæ alterius furti, ita, ut usque ad penam mortis deveniri possit. Carpz. pr. crim. q. 86. n. 3. Lauterb. l.c. §. 5. in omnibus tamen his vel maximè confundendo regionis spectanda. De ca- tero, eti jure canonico nulla statuta sit pena præ- cisè in abigeos, quia tamen §§. Canones penas infligunt, juxta qualitatem & quantitatem culpæ, abi- geus autem, ut dictum, sit improbior, hoc jure major pena ei irroganda, quam simplici furi, ad- eoque Clerico reo hujusmodi criminis pena depo- sitionis imponi poterit. Fatin. pr. crim. p. 7. q. 167. n. 109. Pirk. l.c.

Quæst. 334. Num fures ad declinandas penas gaudeant asylo?

R Esp. Furibus, sive cum, sive sine re furtiva confugientibus ad asylum Ecclesiæ ab ea nullam tribui immunitatem, sed illos inde abstrahi, & ad carcerae Judicis laicæ deduci posse, cum Harprech. Covaruvia & alias defendunt Myler. de jure asyli. c. 10. num. 11. & Fromman. diss. de in- quisit. rei furt. th. 16. apud Lauterb. in ff. Lib. 47. iu. 2. §. 60. iis consentientem & citantem c. fin. de immunit. Eccles. cuius tamen textus ad summum intelligendus videtur de fure, qui furatus est in Ecclesia, aut rem Ecclesiæ.

Quæst. 335. An & quo jure tenetur fur restituere ablata?

R Esp. Non tantum jure humano, sed & divino ac naturali tenetur restituere ablata, quia ablatio hæc continet gravem injuriam proximi, cui invito res sua fraudulenter auferunt & detinentur, ac proinde ad satisfaciendum proximo pro ea præter peccitantem, quæ DEO reconciliatur, panamque, quæ satisfit vindictæ publice, necessaria est restitutio rei alienæ, & quantumvis hæc restitutionis obligatio vim non habeat, casu, quo fur non potest, & unde restitutus, non habet, omnino tamen non extinguitur, sed astringitur ad restituendum pro tempore, quo ad pinguiorem fortunam fuerit re- versus; ita AA. communiter.

Quæst. 336. An res furtivæ apud fu- rem a Judice comprehensum restitu- endæ domino, an vero Judici, offici- libus & ministris justitiae, aut fisco obveniant?

R Esp. Indubitatum est, res illas restituendas pri- vativè vero domino, dum de eo constat, ut expresse declaravit Carolus V. in sua Conf. art. 207. & Frider. in Recess. de Anno 1559. qui eriam ambo statuta, & consuetudines contrarias, tanquam veros abusus & corrumptas Jure divino & naturali reprobant, ex ea ratione, quod iniquum, & iuri naturali repugnans sit, quod quis cum jaœna & damno alterius locupletetur, & domini res sine fa- cto in alium transferantur. L. nam hoc. ff. de condi- tione indebiti. juncto c. locupletiores de reg. in 6. Unde jam etiam non valet, quod opponunt quidam iniqui & avati Judices, nimis capturam furum, custodiā, alimentationem, torturam, execu- tionem magnas requirere expensas, ad hæc labores Ju- dicis & officialium mereri aliquam mercedem, unde res furtivæ apud furem apprehensum inventæ moritò applicentur in refusione dictarum expen- sarum fisco, mercedemque officialium justitiae, si quidem que Judici, Magistratui ex officio incumbunt, qualia sunt à criminibus, malisque homini- bus purgare provinciam, ipsi absque alterius privati damno aut præjudicio præstari debent; ita Arg. L. puta. §. 2. ff. de condition. ob turp. caus. cum Berlich. præl. p. 5. concl. 54. n. 32. Reiffenst. b. t. n. 45. præfertim cum officiales istiusmodi ad hæc aliunde jam sufficiens salarium habere censeantur.

Quæst. 337. An, qui & qualiter edere possint Decretum generale, ut res furtivæ dominis restituantur?

R Esp. Potest Episcopus, non item Prælatus illo in- ferior, multoque minus potestas secularis con- tra injustum detentorem, ut etiam contra eum, qui rem furtivam ab alio detentam scit, & non revelat, edere Decretum generale, in eoque debitè munitionibus præmissis statuere, ut, qui intra certum terminum rem furtivam magni momenti non re- stituit, vel etiam sciens non revelat, ipso facto sit ex- communicatus, ita Trident. sess. 25. de reformat. c. 3. vitamen talis Decreti ad revelandum vel de- nunciandum non tenentur illi, qui id absque sua, suorumve infamia aut gravi præjudicio facere non posunt, ut nec illi, qui rem certè non sciunt, vel fal- tem per unum testem probata nequeunt. Reiffenst. n. 48. citans Engels de sent. excomm. n. 24. ac re- mittens ad Barbos. de off. & potest. Episc. alleg. 96.

TITU-